

Jawab semua soalan.

1 (a) Firman Allah SWT :

وَذَرِ الَّذِينَ اتَّخَذُوا دِينَهُمْ لَعِبًا وَلَهْوًا وَغَرَّتْهُمُ الْحَيَاةُ الدُّنْيَا وَذَكَرَ
بِهِمْ أَنْ تَنْبَسِلَ نَفْسٌ بِمَا كَسَبَتْ لَيْسَ لَهَا مِنْ دُونِ اللَّهِ وَلِيٌّ وَلَا شَفِيعٌ
وَإِنْ تَعْدِلْ كُلُّ عَدْلٍ لَا يُؤْخَذُ مِنْهَا أُولَئِكَ الَّذِينَ أُبْسِلُوا بِمَا كَسَبُوا
لَهُمْ شَرَابٌ مِنْ حَمِيمٍ وَعَذَابٌ أَلِيمٌ بِمَا كَانُوا يَكْفُرُونَ ﴿٧٠﴾

(Surah al-An'am: 70)

Ayat di atas menerangkan tentang balasan Allah SWT terhadap golongan yang suka mempersendakan agama.

Berdasarkan ayat di atas,

- (i) Senaraikan **dua** bentuk perbuatan mempersendakan agama. [2 markah]
- (ii) Bagaimanakah anda menjaga kesucian agama Islam? [2 markah]
- (iii) Jelaskan kesan mempersendakan agama terhadap individu. [2 markah]
- (iv) Terangkan **dua** pengajaran ayat. [4 markah]

(b) Sabda Rasulullah SAW :

عَنْ أَبِي هُرَيْرَةَ رَضِيَ اللَّهُ عَنْهُ عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ :
سَبْعَةٌ يُظِلُّهُمُ اللَّهُ فِي ظِلِّهِ يَوْمَ لَا ظِلَّ إِلَّا ظِلُّهُ، الْإِمَامُ الْعَادِلُ، وَشَابٌّ نَشَأَ فِي عِبَادَةِ
رَبِّهِ، وَرَجُلٌ قَلْبُهُ مُعَلَّقٌ فِي الْمَسَاجِدِ، وَرَجُلَانِ تَحَابَّا فِي اللَّهِ اجْتَمَعَا عَلَيْهِ وَتَفَرَّقَا عَلَيْهِ،
وَرَجُلٌ طَلَبَتْهُ امْرَأَةٌ ذَاتُ مَنْصِبٍ وَجَمَالٍ فَقَالَ : إِيَّيَّكَ اللَّهُ، وَرَجُلٌ تَصَدَّقَ أَخْفَى
حَتَّى لَا تَعْلَمَ شِمَالُهُ مَا تُنْفِقُ يَمِينَهُ، وَرَجُلٌ ذَكَرَ اللَّهَ خَالِيًا فَفَاضَتْ عَيْنَاهُ. (متفق عليه)

Hadis di atas menjelaskan golongan yang mendapat naungan Allah SWT di Padang Mahsyar.

Berdasarkan hadis di atas,

- (i) Apakah maksud pemimpin yang adil? [2 markah]

- (ii) Jelaskan **dua** ciri pemimpin yang adil. [2 markah]
- (iii) Terangkan **dua** pengajaran hadis. [4 markah]
- (c) Nyatakan hukum tajwid bagi kalimah yang bergaris di bawah. [2 markah]

(i) وَلِقَائِهِ فَحَبِطَتْ أَعْمَلُهُمْ

(ii) غَيْرِ الْمَغْضُوبِ عَلَيْهِمْ وَلَا الضَّالِّينَ

- 2 (a) As-Syahid merupakan salah satu nama Allah SWT yang mulia.

- (i) Apakah maksud as-Syahid? [2 markah]
- (ii) Jelaskan **dua** bukti Allah SWT as-Syahid. [4 markah]

19 - Kosmo - Tuesday, 1 December 2015

Kajian dapati 39 peratus belia di Sarawak aktif seks

Remaja tidak sekolah paling kerap buat maksiat

Oleh NOR AZIRAN YUNUS

KUCHING - Remaja yang tidak bersekolah di negeri ini mencatatkan kadar tertinggi kerap mengadakan hubungan seks iaitu sebanyak 39 peratus berbanding mereka yang belajar di universiti dan sekolah.

Timbalan Menteri Pembangunan Wanita, Keluarga dan Masyarakat, Datin Paduka Chew Mei Fun berkata, data itu diperolehi berdasarkan Kajian Faktor Risiko dan Perlindungan Terhadap Kesihatan Seksual dan Reproduksi Remaja di Sabah dan Sarawak yang dilaksanakan pada 2013.

Katanya, data itu menunjukkan kira-kira 12 peratus remaja belajar di universiti mempunyai pengalaman hubungan seks manakala remaja sekolah pula 3.6 peratus.

"Kajian tersebut juga mendapati, kan hubungan seks dalam kalangan pelajar sekolah di Sarawak adalah pada usia 15 tahun.

"Dalam kajian yang sama di Semenanjung pada 2011 mendapati, 5.8 peratus remaja mengaku pernah melakukan hubungan seks dan daripada data tersebut 18.6 peratus mengaku mempunyai pasangan seks lebih daripada seorang," katanya.

Beliau berkata demikian ketika berucap merasmikan program Wacana Penyelidikan Kajian Faktor Risiko dan Perlindungan Terhadap Kesihatan Seksual dan Reproduksi Remaja di Sabah dan Sarawak di sini semalam.

Turut hadir, Ketua Pengarah Lembaga Penduduk dan Pembangunan Keluarga Negara, Datuk Dr. Siti Norlissiah Ismail.

Mengulas lanjut mengenai perkara itu, Mei Fun menjelaskan, di Malaysia, trend dan tingkah laku seksualiti remaja juga dilihat semakin meru-



MEI FUN (kanan) menerima cenderahati daripada Siti Norlissiah pada program Wacana Penyelidikan Kajian Faktor Risiko dan Perlindungan Terhadap Kesihatan Seksual dan Reproduksi Remaja di Sabah dan Sarawak di Kuching semalam.

cing dan membimbangkan ibu bapa.

"Statistik kehamilan remaja berusia 10 hingga 19 tahun pada tahun 2014 mencatatkan jumlah 16,528 orang," katanya.

Dipetik daripada akhbar Kosmo, 1 Disember 2015

- (iii) Berdasarkan keratan akhbar di atas, mengapakah keadaan tersebut masih berlaku? Kaitkannya dengan nama Allah as-Syahid. [4 markah]
- (b) Iman seseorang muslim boleh terbatal melalui perbuatan, perkataan atau iktikad.
- (i) Nyatakan **dua** contoh perbuatan yang membatalkan iman. [2 markah]
- (ii) Jelaskan **dua** syarat terbatalnya iman seseorang muslim. [2 markah]
- (iii) Terangkan cara menjauhi perkara yang membatalkan iman. [2 markah]

[Lihat halaman sebelah
SULIT



Dipetik daripada akhbar Harian Metro, 2 Februari 2016

- (iv) Berdasarkan keratan akhbar di atas, huraikan apakah yang akan berlaku sekiranya situasi tersebut tidak ditangani? [4 markah]

3 (a) Allah SWT mewajibkan manusia mengerjakan ibadah haji dengan mengunjungi Baitullah bagi sesiapa yang mampu sampai kepadanya.

- (i) Apakah maksud haji? [2 markah]
- (ii) Nyatakan **dua** syarat wajib haji selain daripada berkemampuan. [2 markah]
- (iii) Jelaskan ciri berkemampuan khusus bagi perempuan. [2 markah]
- (iv) Terangkan **dua** hikmah menunaikan haji dari aspek ekonomi. [4 markah]

(b) Talak merupakan perkara yang dibenci oleh Allah SWT walaupun ianya dibenarkan syarak.

- (i) Nyatakan maksud talak. [2 markah]
- (ii) Bilakah hukum talak menjadi wajib? [2 markah]
- (iii) Senaraikan jenis-jenis talak. [2 markah]

Ramai pasangan bercerai kurang lima tahun perkahwinan

Oleh NOR SHAFAWATI YUP

PUTRAJAYA – Kebanyakan perkahwinan pertama di negara ini berakhir dengan penceraian dalam tempoh lima tahun ke bawah seperti dilaporkan dalam Kajian Penduduk dan Keluarga Malaysia Siri Kelima (KPKM-5).

Kajian yang dijalankan oleh Lembaga Penduduk dan Pembangunan Keluarga Negara (LPPKN) bermula September 2014 hingga Januari 2015 melibatkan 23,112 tempat kediaman seluruh negara.

Menteri Pembangunan Wanita, Keluarga dan Masyarakat, Datuk Seri Rohani Abdul Karim berkata, usia perkah-



MEI FUN (dua dari kanan) melancarkan buku Laporan Penemuan Utama KPKM-5 2014 oleh LPPKN di Putrajaya semalam.

winan dalam tempoh lima tahun merupakan satu fasa kritikal yang perlu diberi perhatian oleh setiap pasangan. "Antara punca utama berlakunya perceraian

adalah tiada persefahaman dan curang dengan pasangan masing-masing. "Dari aspek kewangan keluarga, hampir 40 peratus wanita menghadapi masalah dalam

perbelanjaan pendidikan manakala 36.3 peratus bagi masalah perbelanjaan keperluan keluarga dan 16 peratus masalah dalam perbelanjaan perubatan keluarga," katanya.

Teks ucapan beliau telah dibacakan oleh Timbalan Menteri Pembangunan Wanita, Keluarga dan Masyarakat, Datuk Paduka Chew Mei Fun pada Majlis Pelancaran Buku dan Pembentangan Laporan Penemuan Utama Kajian Penduduk dan Keluarga Malaysia Siri Kelima (KPKM-5) di sini semalam.

Kajian itu dilaksanakan setiap 10 tahun dengan penemuan utama dijalankan pada 1974.

Dipetik dan diubah suai daripada Kosmo, 24 Februari 2016

- (iv) Berdasarkan keratan akhbar di atas, mengapakah perkara tersebut berlaku? Huraikan. [4 markah]

- 4 (a) (i) Siapakah pengasas Kerajaan Uthmaniah? [2 markah]
 (ii) Jelaskan **dua** faktor kemerosotan kerajaan Uthmaniah. [4 markah]

Campur tangan negara asing terhadap kedaulatan sesebuah negara akan menyebabkan kejatuhan sesebuah kerajaan atau negara.

- (iii) Kemukakan hujah anda untuk menyokong pernyataan di atas. [4 markah]
- (b) Imam as-Syafie merupakan tokoh ulama yang tersohor.
- (i) Nyatakan secara ringkas riwayat hidup Imam as-Syafie. [2 markah]
 (ii) Senaraikan **dua** sifat Imam as-Syafie yang boleh anda contohi. [2 markah]
 (iii) Jelaskan bukti kesungguhan Imam as-Syafie dalam menuntut ilmu. [2 markah]
 (iv) Terangkan **dua** sumbangan Imam as-Syafie dalam tamadun Islam. [4 markah]

[Lihat halaman sebelah
SULIT

5 (a) Menjaga alam sekitar adalah tanggungjawab kita semua.

(i) Apakah maksud alam sekitar?

[2 markah]

(ii) Terangkan dua adab menjaga alam sekitar.

[4 markah]



Dipetik dan diubah suai daripada Berita Harian, 5 JUN 2018

(iii) Berdasarkan keratan akhbar di atas, huraikan pandangan anda tentang peranan masyarakat dalam menangani situasi tersebut. [4 markah]

(b) Konsep wasatiyyah hendaklah difahami dalam usaha untuk membentuk sebuah negara yang maju dan harmoni.

(i) Nyatakan maksud wasatiyyah?

[2 markah]

(ii) Terangkan prinsip keseimbangan yang terkandung dalam wasatiyyah dari aspek rohani dan jasmani.

[4 markah]

Wasatiyyah menjamin kecemerlangan umat.

(iii) Huraikan hujah anda untuk menyokong pernyataan di atas.

[4 markah]

KERTAS PEPERIKSAAN TAMAT